

Zeitschrift: Il glogn : calender dil pievel : annalas per historia, litteratura e cultura romontscha

Band: 15 (1941)

Vorwort: Al lectur

Nutzungsbedingungen

Die ETH-Bibliothek ist die Anbieterin der digitalisierten Zeitschriften. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. [Siehe Rechtliche Hinweise.](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. [Voir Informations légales.](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. [See Legal notice.](#)

Download PDF: 14.03.2025

ETH-Bibliothek Zürich, E-Periodica, <https://www.e-periodica.ch>

Al lectur

Cun tener stendiu eis ei reussiu! Il Glogn 1941 porta la secunda e davosa part dell' historia e cultura alpestra sursilvana. Nies viadi alpester dal Badus al Péz Mundaun, dal Péz Tumbiv al Crap de Flem ei terminaues. Nus spe-rein, che nos purs seigien cuntents e satisfatgs da quei viadi atras nossas bialas e fritgeivlas alps, ch' ein senza dubi ina part essenziala de nossa cultura ed economia purila.

Entras questas publicaziuns havein nus sespruau de far attents nossa pu-raglia sin igl agen, sinaquei che nies pievel emprendi d'enconuscher la gronda valeta materiala ed ideala de nossa patria e ch' el stemi quei grond scazi nunapprezieivel e carezeschi era quel pli fetg e pli intim — che tut ils splenghiems e tschurvantems dil marcau e digl jester. Nus essan muntagnards e sco muntagnards lein nus viver e murir. Nus lein carezar nossa libra paupradad, perquei ch' ella ei la finfinala in grond bein spirtal, che renda nus rehs e ventireivels. Nus lein oravon tut cultivar e carezar tut il bi ed avantagius de nossa cara patria alpina — e lu savein nus esser segirs, che nus surventschin levamein tut il meins bi e disavantagius, che sa capitar enqualga era enten la megliera patria.

Con leds e ventireivels essan nus per exempel oz en nossa libra paupra-dad, en nossa patria carpusa, sche nus paregliein quella cun las rehas tiaras e naziuns, neghentadas en saung, larmas e — miseria! Patertgein nus vida tut quei, sche stuein nus dir, che nus seigien veramein affons pre-privilegiai dalla divina Providentscha; e nus savein far nuot auter ch' en-graziar a Diu per la pasch e rugar el ad in contin per quella grazia nunmeritada e per il manteniment de nossa cara patria.

La redacziun